

## ხელშეკრულება სახელმწიფო შესყიდვის შესახებ N1807/04

გამარტივებული შესყიდვა  
სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-3 მუხლის „დ“  
პუნქტის შესაბამისად.  
(საქართველოს მთავრობის 2021 წლის 20 დეკემბრის N2273 განკარგულება)  
**SMP210003332**  
CPV-15400000

ქ. თბილისი

18 ივლისი 2022 წელი

„შემსყიდველი“ - შპს „სახელმწიფო კვებითი უზრუნველყოფა“, წარმოდგენილი მისი დირექტორის **ალექსი ზანდარაშვილის** სახით;

მისამართი: იურიდიული: ქ. თბილისი, ჭანტურიას ქ. #12, ფაქტობრივი: ქ. თბილისი, თემქა, მე-9 კვარტალი;

საიდენტიფიკაციო კოდი: 404482537;

ტელეფონი: 2 200 122;

საბანკო რეკვიზიტები: სს „თი ბი სი ბანკი“, ბანკის კოდი - TBCBGE22, ა/ა GE58TB 7353 4360 8010 0004.

„მიმწოდებელი“ - შპს „ჯეო-კოოპ“-ი წარმოდგენილი მისი დირექტორის **მიხეილ ჩაბიევის** სახით;

მისამართი: ქ. თბილისი, ისანი-სამგორის რაიონი, თვალჭრელიძის ქ. N5;

საიდენტიფიკაციო კოდი: 204569494;

ტელეფონი: 598501072;

საბანკო რეკვიზიტები: სს „თი ბი სი ბანკი“, ბანკის კოდი - TBCBGE22, ა/ა GE 71 TB 7180 0360 8010 0001.

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

### 1. ხელშეკრულების საგანი

1.1. წინამდებარე ხელშეკრულების საგანს წარმოადგენს **ზეთის (ე.წ. „ფრიტურნიცისთვის“)** შესყიდვა, წინამდებარე ხელშეკრულების დანართი N1-ით განსაზღვრული მახასიათებლების და პირობების შესაბამისად.

1.2. „მიმწოდებელი“ ვალდებულია „შემსყიდველს“ გადასცეს საქონელი ამ ხელშეკრულების დანართი N1-ში აღნიშნულ მისამართ(ებ)ზე განთავსებულ ობიექტ(ებ)ზე, მიღებული შეკვეთებიდან გამომდინარე.

### 2. ხელშეკრულების ღირებულება

2.1. ხელშეკრულების ჯამური ღირებულება შეადგენს **10 875 (ათი ათას რვაას სამოცდათხუთმეტი)** ლარს და მოიცავს კანონმდებლობით დადგენილ ყველა გადასახადს, მოსაკრებელსა და სახდელს.

2.2. საქონლის ერთეულის ფასები მოცემულია წინამდებარე ხელშეკრულების დანართ N1-ში.

### 3. შესყიდვის ობიექტის სტანდარტი

3.1. „მიმწოდებელი“-ს მიერ „შემსყიდველისათვის“ გადასაცემი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს საქართველოს კანონმდებლობით დადგენილ წესებს, ნორმებსა [და წინამდებარე ხელშეკრულებით განსაზღვრულ პირობებს]

### 4. მხარეთა უფლებამოსილებები და ვალდებულებები

4.1. წინამდებარე ხელშეკრულებით, „მიმწოდებელი“ ვალდებულია საქონელი „შემსყიდველს“ გადასცეს ხელშეკრულებით განსაზღვრული წესით, „შემსყიდველისათვის“ საჭირო რაოდენობით, ხოლო „შემსყიდველი“ ვალდებულია მიიღოს წინასწარ შეკვეთილი საქონელი და მოახდინოს „მიმწოდებელთან“ ანგარიშსწორება ხელშეკრულებით გათვალისწინებული პირობებით.

4.2. „მიმწოდებელი“ ვალდებულია შემსყიდველს საქონელი გადასცეს საქართველოში არსებული მოთხოვნების შესაბამისად.

4.3. „შემსყიდველი“ ვალდებულია მიიღოს წინასწარ შეკვეთილი საქონელი, მიღების მომენტში შეამოწმოს საქონლის ხარისხი, შეფუთვა და გარეგანი იერსახე.

4.4. „შემსყიდველი“ ვალდებულია „მიმწოდებელს“ აუნაზღაუროს მიწოდებული საქონლის ღირებულება ამ ხელშეკრულების მე-8 მუხლის შესაბამისად.

4.5. მხარეები ვალდებული არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის.

4.6. მიმწოდებელი არ არის ვალდებული განახორციელოს იმ საქონლის უკან გატანა/დაბრუნება, რომელ პარტიაზეც ჩატარებული ლაბორატორიული კვლევები იქნება დადებითი და შესაბამისობაში იქნება როგორც მოქმედ კანონმდებლობასთან, ასევე წინამდებარე ხელშეკრულებით გათვალისწინებული საქონლის ტექნიკურ პარამეტრებთან.

4.7. ხარისხის დადგენილ სტანდარტებთან შესაბამისობის განსაზღვრის მიზნით, შემსყიდველი ორგანიზაცია უფლებამოსილია, ხელშეკრულების მოქმედების განმავლობაში არაუმეტეს ერთხელ განახორციელოს საქონლის ნიმუშის აღება და სსიპ „ლევან სამხარაულის სახელობის სასამართლო ექსპერტიზის ეროვნული ბიუროში" ან სხვა აკრედიტირებული ორგანიზაციაში შემოწმება. შემოწმებას უზრუნველყოფს მიმწოდებელი (მათ შორის ხარჯების ანაზღაურებას). ლაბორატორიული შემოწმების ოქმებში მითითებული მაჩვენებლებით უნდა დგინდებოდეს ხელშეკრულების ტექნიკური სპეციფიკაციით მოთხოვნილი მაჩვენებლები და პროდუქცია უნდა აკმაყოფილებდეს საქართველოში მოქმედი შესაბამისი სტანდარტებით განსაზღვრულ ხარისხის და უსაფრთხოების მაჩვენებლებს. თუ პროდუქტის შენახვის პირობებმა შესაძლოა გავლენა მოახდინოს კონკრეტული გამოცდის შედეგებზე, საქონლის ნიმუშის აღება უნდა განხორციელდეს პროდუქტის მიწოდების მომენტში. ასეთ შემთხვევაში, შემსყიდველი ორგანიზაცია უფლებამოსილია მოითხოვოს პროდუქციის შესაბამისობის შემოწმება კონკრეტულ თარიღში (საქონლის ვარგისიანობის ვადაში.)

4.8. შემსყიდველი ორგანიზაცია უფლებამოსილია, საკუთარი სახსრებით, ნებისმიერ დროს ჩაატაროს კვლევა თავისი შეხედულებისამებრ.

## **5. საქონლის მახასიათებლები (ასორტიმენტი, რაოდენობა და ხარისხი)**

5.1. „მიმწოდებელი“ ვალდებულია მიწოდების დოკუმენტებში (ზედნაღები) მიუთითოს მიწოდებული საქონლის დასახელება და ფასები.

5.2. „მიმწოდებლის“ მიერ საქონლის ფაქტობრივი მიწოდებისას ვარგისიანობის დარჩენილი ვადა დარეგულირდეს დანართი N1-ის მიხედვით.

5.3. საქონლის ხარისხი უნდა შეესაბამებოდეს მწარმოებლის დეკლარირებულ სტანდარტებს, საქართველოს კანონმდებლობის მოთხოვნებსა და „მიმწოდებლის“ მიერ შემოთავაზებულ პირობებს.

5.4. „მიმწოდებელი“ იძლევა გარანტიას, რომ საქონელი შეესაბამება უსაფრთხოების, სანიტარული ნორმების, შეფუთვის, მარკირების და ეტიკეტირების მოთხოვნებს, დადგენილს საქართველოს კანონმდებლობით და ასევე, რომ საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი.

5.5. დაუშვებელია მოსაწოდებელი პროდუქციის შეფუთვა მეორად ან/და განსხვავებული ბრენდის მქონე ტარაში.

## **6. შესყიდვის ობიექტის მიწოდება და შესაბამისი დოკუმენტები**

6.1. „მიმწოდებელი“ ვალდებულია შეკვეთა შეასრულოს (შემსყიდველზე გადაცემა) შეკვეთის მიღებიდან დანართი N1-ში მითითებული მიწოდების/გადაცემის ვადის ამოწურვამდე.

6.2. „მიმწოდებელი“ აცხადებს თანხმობას, რომ „შემსყიდველმა“, შეიძლება არ შეიძინოს „მიმწოდებლის“ მიერ შეთავაზებული საქონლის სრული რაოდენობა/დასახელება რაც მითითებულია ხელშეკრულების დანართ N1-ში.

6.3. საქონლის გადაცემა უნდა განხორციელდეს დღის განმავლობაში არაუგვიანეს 18.00 სთ-ისა. 18.00 სთ-ის შემდეგ „შემსყიდველი“ უფლებამოსილია უარი თქვას საქონლის მიღებაზე და დააკისროს „მიმწოდებელს“ საურავი საქონლის მიწოდების ვადის დარღვევის გამო.

6.4. პროდუქტის მიწოდებისას სასაქონლო ზედნადები (შემდგომში ზედნადები) ან/და ანგარიშ-ფაქტურა უნდა გაფორმებდეს საქართველოს კანონმდებლობის მოთხოვნათა შესაბამისად.

6.5. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, „შემსყიდველი“ ატყობინებს აღნიშნულის შესახებ „მიმწოდებელს“, რომელიც ვალდებულია არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.

6.6. საქონლის ფაქტობრივი მიწოდება უნდა განხორციელდეს სასაქონლო ზედნადების გაფორმების დღეს.

6.7. საქონლის ტრანსპორტირებისათვის განკუთვნილი სატრანსპორტო საშუალებები უნდა იმყოფებოდნენ ტექნიკურად გამართულ, სუფთა მდგომარეობაში, უნდა პასუხობდნენ ჰიგიენურ ნორმებს და იყვნენ ვარგისი განსაზღვრული კატეგორიის საქონლის ტრანსპორტირებისთვის.

6.8. „შემსყიდველის“ წარმომადგენელი ვალდებულია უზრუნველყოს საქონლის გადმოტვირთვა ამისათვის სპეციალურად განსაზღვრულ ადგილას და დროს.

6.9. საქონლის შეკვეთა ხორციელდება ელ-ფოსტის ან კომუნიკაციის სხვა საშუალებით, რომელიც იძლევა „მიმწოდებლის“ მიერ შეკვეთის მიღების დადასტურების საშუალებას.

## 7. საქონლის მიღება-ჩაბარების წესი

7.1. „შემსყიდველის“ წარმომადგენელი „მიმწოდებლის“ წარმომადგენლის თანდასწრებით უზრუნველყოფს საქონლის დათვალიერებას „შემსყიდველი“-ს საწყობში, ან სხვა მითითებულ ადგილას. მიწოდებული საქონლისათვის შენახვის პირობების შექმნა (განთავსება, ტემპერატურა, მზის სინათლისაგან დაცვა) წარმომადგენს „შემსყიდველის“ ვალდებულებებს და უნდა შეესაბამებოდეს საქონლის შენახვისათვის დადგენილ პირობებს.

7.2. საქონლის მიღებისას, „შემსყიდველი“ შეამოწმებს საქონლის შესაბამისობას წარდგენილ დოკუმენტებთან და ხელშეკრულებასთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და „შემსყიდველის“ წარმომადგენლის ხელმოწერით ზედნადებზე ან/და ა/ფაქტურაზე ან/და მიღება-ჩაბარების აქტზე. „შემსყიდველი“ უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა, ასორტიმენტი არ შეესაბამება მხარეთა შორის შეთანხმებულ პირობებს, შეფუთვა, ეტიკეტირება, ხარისხი და ვარგისიანობის ვადა არ შეესაბამება დადგენილ სტანდარტებსა და „მიმწოდებლის“ მიერ შემოთავაზებულ პირობებს.

7.3. შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე და მათი თირებულების ანაზღაურებაზე, თუ:

7.3.1. იგი უხარისხოა (მათ შორის არ შეესაბამება ხელშეკრულებით გათვალისწინებულ ხარისხსა და არ აკმაყოფილებს ხელშეკრულების დანართი N1-ით გათვალისწინებული საქონლის ტექნიკური სპეციფიკაციის მოთხოვნებს); ან/და

7.3.2. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და

7.3.3. ხარვეზების გამოსწორება შეუძლებელია; ან/და

7.3.4. მიწოდებულია მიწოდების ვადის გასვლის შემდგომ; ან/და

7.3.5. კანონმდებლობით გათვალისწინებულ სხვა შემთხვევებში.

7.4. მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) გაფუჭებაზე ან სხვა ზიანზე ეკისრება მიმწოდებელს, ხოლო, მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.

7.5. შემსყიდველის მიერ საქონლის (მისი ნაწილის) მიღების და/ან შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი შეტყობინების (ელექტრონული ფოსტის, სატელეფონო შეტყობინების ან წერილობითი შეტყობინების საფუძველზე) მიღებიდან 2 (ორი) კალენდარულ დღეში, წინააღმდეგ შემთხვევაში მიმწოდებლის მიმართ გამოყენებული იქნება წინამდებარე ხელშეკრულების მე-10 მუხლით გათვალისწინებული პირგასამტეხლო.

7.6. „შემსყიდველის“ უფლებამოსილებას საქონლის მიღებასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „შემსყიდველის“ უფლებამოსილი თანამშრომელი

(მენეჯერი, საწყობის უფროსი, ხარისხის მართვისა და მონიტორინგის დეპარტამენტის თანამშრომელი, ფინანსური აღრიცხვის დეპარტამენტის თანამშრომელი და სხვა).

7.7. „მიწოდებლის“ უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „მიწოდებლის“ უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

## 8. ანგარიშსწორება

8.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით მიმწოდებლის მიერ ფაქტიურად გადაცემული საქონლის შესაბამისად, ეროვნულ ვალუტაში (ლარში).

8.2. ანგარიშსწორება მოხდება შემდეგი წესით: შემსყიდველი მიმწოდებელს გადაუხდის მიწოდებული საქონლის ღირებულებას სრულად, ფაქტობრივად მიწოდებიდან და შესაბამისი დოკუმენტაციის გაფორმებიდან 10 (ათი) სამუშაო დღის ვადაში.

8.3. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, „შემსყიდველის“ და „მიმწოდებლის“ ან მათი წარმომადგენლების მიერ ხელმოწერილი სასაქონლო ზედნადები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.

## 9. ხელშეკრულების შესრულების კონტროლი

9.1. ხელშეკრულების შესრულების კონტროლს განახორციელებს:

9.1.1. შპს „სახელმწიფო კვებითი უზრუნველყოფა“-ს ლოჯისტიკის დეპარტამენტის, კვების ორგანიზების და ტექნოლოგიის დეპარტამენტის უფროსი/თანამშრომელი ან/და დირექტორის მიერ გამოყოფილი შესაბამისი უფლებამოსილი პირი – „მიმწოდებლის“ მიერ მიწოდებული საქონლის სახეობის, ასორტიმენტის, შეფუთვის, ეტიკეტირების, ხარისხის კონტროლი, საქონლის ვარგისიანობის ვადა, მიწოდებული საქონლის რაოდენობა, მიწოდებული საქონლის ტექნიკური მახასიათებლების შეფასება შემოთავაზებულ პირობებთან.

9.1.2. შპს „სახელმწიფო კვებითი უზრუნველყოფა“-ს - ლოჯისტიკის დეპარტამენტის უფლებამოსილი თანამშრომელი - შეკვეთის მიცემისა და შესრულების ვადების, ასევე ხელშეკრულების სხვა პირობების კონტროლი.

9.1.3. შპს „სახელმწიფო კვებითი უზრუნველყოფა“-ს - სახელმწიფო შესყიდვების დეპარტამენტის უფროსი ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ვასთან.

9.1.4. მიღება-ჩაბარების აქტის გაფორმებას უზრუნველყოფენ შპს „სახელმწიფო კვებითი უზრუნველყოფა“-ს ფინანსური აღრიცხვის დეპარტამენტის უფროსის მიერ გამოყოფილი უფლებამოსილი თანამშრომელი.

9.1.5. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

9.2. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი „შემსყიდველის“ არჩევანის მიხედვით.

## 10. მხარეთა პასუხისმგებლობა

10.1. მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება, სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით:

10.2. წინამდებარე ხელშეკრულებით გათვალისწინებული ვადების დარღვევის შემთხვევაში, თუ ვადის გადაცილება ეხება საქონლის ვადაგადაცილებით მიწოდებას (მათ შორის ხარვეზის ან/და ნაკლის გამოსწორების ვადა) შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე ვადაგადაცილებით მიწოდებული საქონლის ღირებულების 0,2%-ის ოდენობით, მაგრამ თითოეული ლოკაციისთვის არანაკლებ დღეში 35 (ოცდათხუთმეტი) ლარისა;

10.3. წინამდებარე ხელშეკრულებით გათვალისწინებული ანგარიშსწორების ვადის დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის 0.2%-ის ოდენობით.

10.4. წინამდებარე ხელშეკრულებით გათვალისწინებული ვალდებულების ნაწილობრივ შეუსრულებლობის შემთხვევაში, თუ ნაწილობრივი შეუსრულებლობა ეხება საქონლის მიწოდებლობას და შემსყიდველ ორგანიზაციას ადარ გააჩნია აღნიშნული საქონლის მიწოდების საჭიროება/ინტერესი, შემსყიდველი უფლებამოსილია დააკისროს მიმწოდებელს პირგასამტეხლო შესასრულებელი ვალდებულების შესაბამისი ღირებულების 5%-ის ოდენობით, მაგრამ თითოეული ლოკაციისთვის არანაკლებ 150 (ას ორმოცდაათი) ლარი.

10.5. წინამდებარე ხელშეკრულებით გათვალისწინებული ვადების დარღვევის შემთხვევაში, თუ ვადის გადაცილება ეხება ლაბორატორიული დასკვნის/წერილის (გამოცდის ოქმით) წარმოდგენას, შემსყიდველი უფლებამოსილია დააკისროს მიმწოდებელს პირგასამტეხლო, თითოეული პროდუქტისთვის, ყოველ ვადაგადაცილებულ დღეზე ხელშეკრულების ღირებულების 0.2%-ის ოდენობით. მიმწოდებელის მიმართ მოცემული სანქცია არ გატარდება იმ შემთხვევაში, თუ დასკვნის დაგვიანებით წარმოდგენა დაკავშირებულია მისგან დამოუკიდებელ მიზეზებთან (ეხება მხოლოდ ლაბორატორიის მხრიდან დასკვნით დაგვიანებით გაცემას), აღნიშნულის დასადასტურებლად მიმწოდებელი ვალდებულია წარმოადგინოს შესაბამისი დოკუმენტ(ებ)ი.

10.5.1. თუ ლაბორატორიული დასკვნა/წერილი (გამოცდის ოქმით) წარმოდგენილია, მაგრამ არასრულყოფილია, თითოეული პროდუქტის თითოეულ პარამეტრზე, ყოველ ვადაგადაცილებულ დღეზე (ლაბორატორიული დასკვნის წარმოდგენამდე) ხელშეკრულების ღირებულების 0,04%-ის ოდენობით.

10.6. წინამდებარე ხელშეკრულებით გათვალისწინებული ვადების დარღვევის შემთხვევაში, გარდა ზემოაღნიშნული პუნქტებით გათვალისწინებული შემთხვევებისა, შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.7. უარყოფითი ლაბორატორიული დასკვნის (უარყოფითად ჩაითვლება ლაბორატორიული დასკვნა, სადაც კვლევის ობიექტის (პროდუქტის) ნებისმიერი პარამეტრი/მონაცემი არ შეესაბამება საქართველოში მოქმედ კანონმდებლობას, სტანდარტებს, ან/და წინამდებარე ხელშეკრულებას) წარმოდგენის შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ღირებულების 1%-ის ოდენობით, ხოლო თუ შეუსაბამოა ეხება ისეთ პარამეტრს/მონაცემს რომელმაც შესაძლებელია საფრთხე შეუქმნას ადამიანის სიცოცხლეს ან/და ჯანმრთელობას ხელშეკრულების ღირებულების 5%-ის ოდენობით.

10.8. წინამდებარე ხელშეკრულებით გათვალისწინებული საქონლის ტექნიკური აღწერილობით განსაზღვრული პარამეტრების დარღვევის შემთხვევაში, რომლის მიუხედავაც შემსყიდველი ორგანიზაცია მაინც მიიღებს აღნიშნულ პროდუქტს, იგი უფლებამოსილია დააჯარიმოს მიმწოდებელი ტექნიკური პარამეტრების დარღვევით მიღებული საქონლის ღირებულების 5%-ის ოდენობით.

10.9. წინამდებარე ხელშეკრულებით გათვალისწინებული სხვა ვალდებულების ნაწილობრივ შეუსრულებლობის შემთხვევაში, მხარე უფლებამოსილია დააკისროს დამრღვევ მხარეს პირგასამტეხლო ხელშეკრულების ღირებულების 0.5%-ის ოდენობით.

10.10. ხელშეკრულებით თუ მიმწოდებელი ხელშეკრულებით გათვალისწინებული საქონლის მიწოდების პირობებს ვერ შეასრულებს ან/და დაარღვევს კეთილსინდისიერების პრინციპს, შემსყიდველი უფლებამოსილია შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის/ შეუსრულებლობისთვის დააჯარიმოს ხელშეკრულების საერთო თანხის 5%-ის ოდენობით, რისთვისაც შემსყიდველი უფლებამოსილია პირგასამტეხლო გამოქვითოს მიმწოდებლის მიერ მიწოდებული საქონლისთვის ასანაზღაურებელი ღირებულებიდან.

10.11. ჯარიმისა და პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

## 11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ ობიექტურ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

11.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების მისადაგებაზე არსებულ გარემოებებთან, ასევე შესრულების ვადის გაგრძელების შესახებ, ეს გადაწყვეტილება უნდა გაფორმდეს წერილობითი ფორმით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

11.3. აღნიშნული ხელშეკრულებისათვის საქართველოს სამოქალაქო კოდექსის 398-ე მუხლით გათვალისწინებული გარემოებები გამორიცხავს ხელშეკრულების პირობების მისადაგებას ეროვნული ვალუტის გაუფასურებას / ვალუტის კურსის მნიშვნელოვნად ზრდას, ასეთ დროს ეროვნული ვალუტის კურსის გაუფასურებით გამოწვეული რისკი

ეკისრება დაზარალებულ მხარეს, შესაბამისად აღნიშნული მიზეზით / საფუძვლით ხელშეკრულების პირობების შეცვლის და ახალ გარემოებებთან მისადაგების მოთხოვნა დაუშვებელია მხარეთათვის.

## 12. ფორს-მაჟორი

12.1. ამ ხელშეკრულების მიზნებისათვის დაუძლეველი ძალა (ფორს – მაჟორი) არის გარემოებები, რომლებიც წარმოიშობა მხარეთა ნებისაგან დამოუკიდებლად და, მიუხედავად მხარეთა მიზანმიმართული მოქმედებებისა, შეუძლებელი ხდება მათი დაძლევა. დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.

12.2. მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის დაუძლეველი ძალის გარემოებების მოქმედების მთელი დროის განმავლობაში.

12.3. მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.

12.4. წინამდებარე ხელშეკრულების მოქმედება შეჩერდება ფორს-მაჟორული გარემოებების მოქმედების მთელი დროის მანძილზე. მხარეები ვალდებული არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.

12.5. თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

## 13. ხელშეკრულების შეწყვეტა

13.1. ეს ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

გ) „შემსყიდველმა“ შეწყვიტა, ან შეაჩერა თავისი საქმიანობა;

დ) მიმდინარეობს „შემსყიდველის“ ან „მიმწოდებელის“ გადახდისუნარიობის საქმის წარმოება;

ე) „შემსყიდველმა“ ანგარიშსწორების განხორციელების ვადას გადააცილა 30 (ოცდაათი) სამუშაო დღეზე მეტი ვადით;

ვ) „მიმწოდებელმა“ არაერთგზის (2-ჯერ ან მეტჯერ) დაარღვია ხელშეკრულების პირობები.

13.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

ა) იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა და კანონის შესაბამისად უნდა შესრულდეს ხელშეკრულების შეწყვეტიდან გამომდინარე ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

ბ) ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

13.3. ხელშეკრულების შეწყვეტის ინიციატორი მხარე ვალდებულია 5 (ხუთი) კალენდარული დღით ადრე წერილობით აცნობოს მხარეს ხელშეკრულების შეწყვეტის თაობაზე, მოთხოვნა უნდა მოიცავდეს სრულ ინფორმაციას ხელშეკრულების შეწყვეტის გამომწვევი მიზეზების შესახებ.

13.4. ხელშეკრულება ვადამდე შეწყვეტილად ითვლება მეორე მხარისათვის ხელშეკრულების შეწყვეტის შესახებ წერილობითი მოთხოვნის გადაცემიდან 5 (ხუთი) კალენდარული დღის გასვლის შემდეგ.

13.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

## 14. სხვა პირობები

14.1. წინამდებარე ხელშეკრულება ძალაში შედის 2022 წლის 18 ივლისიდან.

14.2. ხელშეკრულება მოქმედებს 2022 წლის | 31 აგვისტოს ჩათვლით.

- 14.3. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.
- 14.4. წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.
- 14.5. „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 14.6. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 14.7. წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 14.8. ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.
- 14.9. „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.
- 14.10. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.
- 14.11. მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად მხარეთა შორის. ელ.ფოსტაზე „შემსყიდველის“ მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.
- 14.12. მიმწოდებელი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 14.13. მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მოლაპარაკების გზით, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.
- 14.14. წინამდებარე ხელშეკრულება შედგენილია ქართულ ენაზე ერთ ეგზემპლარად და მხარეთა მიერ შესრულებულია კვალიფიციური ელექტრონული ხელმოწერა ან/და დამოწმებულია კვალიფიციური ელექტრონული შტამპით, რომელსაც აქვს იურიდიული ძალა.

## 15. მხარეები:

შემსყიდველი	მიმწოდებელი
შპს „სახელმწიფო კვებითი უზრუნველყოფა“-ს	შპს „ჯეო-კოოპ“-ის
დირექტორი	დირექტორი
ალექსი ზანდარაშვილი	მიხეილ ჩაბიევი

N	საქონლის დასახელება	განზ.	წარმოების ქვეყანა/ მწარმოებელი	ერთ. ფასი	რაოდ.	ჯამი	მიწოდების ვადა	მიწოდების პირობები
1	Aston მზესუმზირის ზეთი 5000მლ x3 ( ე.წ. ფრიტურნიცისთვის)	ცალი	რუსეთი/ სს ასტონ	43.50	250.00	10,875.00	ხელშეკრულების გაფორმებიდან 5 (ხუთი) სამუშაო დღის განმავლობაში	დაბა ვაზიანი
სულ ჯამი (დღგ-ს ჩათვლით):						10,875.00		